

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA MOJA

KIKAO CHA AROBAINI NA SABA

08 JUNI, 2018



ORODHA YA SHUGHULI ZA LEO

MKUTANO WA KUMI NA MOJA

KIKAO CHA AROBAINI NA SABA – TAREHE 08 JUNI, 2018

I. DUA:

II. MASWALI:

OFISI YA RAIS (TAMISEMI):

396. MHESHIMIWA DKT. MARY MICHAEL NAGU (HANANG’):

Atamuuliza Mheshimiwa Waziri wa Nchi, Ofisi ya Rais (TAMISEMI):- Katika Msimu wa mwaka 2015/16, Wilaya ya Hanang’ ilikumbwa na mvua kubwa sana iliyosababisha kuharibika kwa miundombinu ikiwemo ya barabara:-

- (a) Je, ni kiasi gani cha fedha kilitengwa kwa mwaka wa fedha 2016/2017 kwa ajili ya ukarabati wa barabara hizo;
- (b) Je, ni lini Serikali itajenga na kukamilisha barabara iliyofunguliwa na Wachina inayopita

katika Vijiji vya Mig'enyi, Milongoli, Gawidu hadi Ngamu na barabara inayounganisha Sechet, Wilaya ya Babati Vijijini kupitia Vijiji vya Basodesh, Basotu mpaka Mulbadaw.

397. MHESHIMIWA ENG. EDWIN AMANDUS NGONYANI (NAMTUMBO):

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali ya Awamu ya Nne iliahidi kuanzisha Mkoa mpya wa Selou:-

- (a) Je, ahadi hiyo itatekelezwa lini;
- (b) Je, Serikali haioni kuwa mpaka wa Kusini wenye urefu wa zaidi ya kilometa 600 na
 - wenye Mikoa miwili tu sio salama kiulinzi. ●

OFISI YA RAIS (UTUMISHI NA UTAWALA BORA):

398. MHESHIMIWA RUTH HIYOB MOLLEL (VITI MAALUM):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Utumishi wa Umma ndio injini ya maendeleo katika Nchi. Watumishi wa Umma hawatakiwi kuwa na mrengo wowote wa Itikadi ya kisiasa ili kutumikia Wananchi kwa muda wote hata yanapotokea

mabadiliko ya Vyama Tawala baada ya uchaguzi:-

- (a) Je, Serikali ya Awamu ya Tano ina mkakati gani wa kuhakikisha Utumishi wa Umma ni thabiti na wa kuaminika wakati wote;
- (b) Je, ni Watumishi wangapi wa Umma ambao wamegombea vyeo katika Chama Tawala wakati wapo katika ajira ya Utumishi wa Umma.

WIZARA YA FEDHA NA MIPANGO:

399. MHESHIMIWA NAGHENJWA LIVINGSTONE KABOYOKA (SAME MASHARIKI):

Atamuuliza Mheshimiwa Waziri wa Fedha na Mipango:- Kwa kuwa Ripoti za Ukaguzi za Ufanisi unaofanywa na Mdhambi na Mkaguzi Mkuu wa Hesabu za Serikali zimeonesha kuna mapendekezo yanayotolewa baada ya Ukaguzi mengi hayafanyiwi kazi na kwamba mapungufu yanayoibuliwa hujirudia mwaka hadi mwaka:-

- (a) Je, Serikali inakubaliana na pendekezo la kuanzisha kitengo maalum kitakachoratibu utekelezaji wa mapendekezo ya kaguzi za ufanisi;

(b) Je, Serikali inakubaliana na pendekezo kuwa baada ya Kamati ya PAC kujadili taarifa ya Ukaguzi wa Ufanisi ipeleke maoni yao kwa Kamati za kisekta ili kutoa fursa kwa Kamati hizo kufuatilia kwa karibu utekelezaji wa mapendekezo ya CAG hasa katika maeneo ya kisera na kiutendaji kwa mujibu wa Kanuni za Bunge.

WIZARA YA MAMBO YA NDANI YA NCHI:

400. MHESHIMIWA DANIEL NICODEMUS NSANZUGWANKO (KASULU MJINI):

Atamuuliza Mheshimiwa Waziri wa Mambo ya Ndani ya Nchi:- Mkoa wa Kigoma hususan Wilaya za Kasulu na Kibondo zimekuwa Makazi ya Wakimbizi kwa muda mrefu sana:-

Je, ni lini Serikali ya Tanzania kwa kushirikiana na UNHCR itakuja na mpango kabambe wa kusaidia maeneo yaliyoathiriwa na ujio wa Wakimbizi hao (*A comprehensive Plan and Support for Refugee Affected Areas*).

WIZARA YA HABARI, UTAMADUNI, SANAA NA MICHEZO:

401. MHESHIMIWA DKT. DAMAS DANIEL NDUMBARO (SONGEA MJINI):

Atamuuliza Mheshimiwa Waziri wa Habari, Utamaduni, Sanaa na Michezo:- Serikali imekuwa mstari wa mbele katika kuhamasisha maendeleo ya Michezo mbalimbali lakini Sheria inayosimamia Michezo ya mwaka 1967 ina mapungufu makubwa sana:-

- (a) Je, kwa nini Serikali haijatunga Sheria mpya ya Michezo ambayo itakwenda sambamba na mahitaji ya Jamii kwa sasa;
- (b) Je, kwa nini Serikali haina bajeti kwa ajili ya Timu za Taifa zinazobeba Bendera kwa ajili ya kuitangaza nchi Kimataifa.

402. MHESHIMIWA ALLY SALEH ALLY (MALINDI):

Atamuuliza Mheshimiwa Waziri wa Habari, Utamaduni, Sanaa na Michezo:- Mchezo wa Chess au Sataranji unakuza akili, uwezo wa kufikiri na kufanya maamuzi na ni mzuri sana kwa Vijana ambao wanakulia na kuingia hasa katika masomo ya Sayansi na Ufundi:-

- (a) Je, Mchezo huo umejikita kiasi gani hapa nchini hadi sasa;
- (b) Je, kunaweza kuwa na mipango ya kufanya juu ya Mchezo huo kuwa wa lazima na

sehemu ya Mtaala kwa kuiga hasa nchi za Ulaya ya Mashariki.

WIZARA YA MALIASILI NA UTALII:

403. MHESHIMIWA RITTA ENESHER KABATI (VITI MAALUM):

Atamuuliza Mheshimiwa Waziri wa Maliasili na Utalii:-

- (a) Je, Serikali inafanya mkakati gani ili kutangaza Vivutio vilivyopo katika Mkoa wa Iringa katika Sekta ya Utalii;
- (b) Je, Serikali inavitambua Vivutio hivyo.

WIZARA YA UJENZI, UCHUKUZI NA MAWASILIANO:

404. MHESHIMIWA ALLY SEIF UGANDO (KIBITI):

Atamuuliza Mheshimiwa Waziri wa Ujenzi, Uchukuzi na Mawasiliano:- Kwa muda mrefu sasa Wananchi wa Nyamisati wamekuwa wakipata adha kubwa sana katika eneo la Kivuko:-

Je, ni lini Serikali itajenga gati la Nyamisati.

DODOMA
08 JUNI, 2018

S. KAGAIGAI
KATIBU WA BUNGE